



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Abate sancti Panthaleonis in Colonia, qui fratri carnali pecuniam ecclesiae suae tribuens, depauperavit, cap. 36

urn:nbn:de:hbz:466:1-13177

quām de facto sui confessoris territus, in castino rediit, & confessionem iterauit, pēnitentiam condignā suscepit & egit. Vides nunc quantum valeat prudētia confessoris? Si imprudens confitēs tali modo non fuisset territus, fortassis nec esset iustificatus. Audi & aliud exemplum, quantum confidentibus proſit conſilium bonum.

CAPV T XXXVI.

IN monasterio sancti Panthaleonis in Colonia Abbas quidam fuit, fratrem habens eiusdem ciuitatis conciuem, quem carnaliter diligens, ſepte pecuniam monasterij illi occulte largiebatur, quam propriæ ſubſtantia admifcens, & in ea negotiās, quo cunque perrexit, ſemper cum danno rediit, factaque eſt ei, licet non aduerteret, monasterij pecunia, tanquam ignis, & ſubſtātia propria quaſi ſtipula. Et cum eſſet in mercationibus ſatis gnarus, atque circumſpeſtior cæteris ſuis ſodalibus, illorum proſperitatē ſuumque diſpendium mirari non sufficiebat. Compaffus eius infelicitati Abbas, cum ſemper ei daret, & ille non proficeret, imò ſemper minus haberet, tandem ad paupertatem deuenit. Cui Abbas, quid eſt frater quod agis? quare tam viriliter consumis ſubſtantia tuam ad conuisionem tuam atque meam? Reſpondit ille: Valde parcè viuo, mercatum meū diligētissime cuſtodiō, & quid ſit quod circa me agitur penitus ignoro. Tādem in ſe reuersus venit ad ſacerdotem, ci omnia circa ſe geſta aperiens per conuisionem. Cui dixit ſacerdos: Vtē confilijs meis, & citō diues eris; pecunia fratris tui furtum eſt, & ipſa ſubſtantia tuam deuorauit; de cætero nihil recipias ab eo, & de modico, quod adhuc ſuper eſt, negotiare, videbisq; manum Domini ſuper te bonam; quicquid autē lucratus fueris, medietatem fratris tuo reddes, de reliquo tu viues, & hoc tam diu facias, donec omnēm pecuniam monasterij tibi datām illi restituas. Mira clementia Dei, obediens homo confessoris ſui conſilio, in breui adeo ditatus eſt, ut & ipſe abundaret, & fratri recepta restitueret. Cui ciuīn Abbas diceret: Vnde tibi iſte diuitiā frater?

frater respondit: Quamdiu substantiam fratrum tuorum recepi, semper pauper & miser fui, & tu grauiter peccasti, non tua mihi largiendo, ego verò aliena recipiendo: ex quo enim de his pœnitui, & furtum abhorri, benedicente Domino abundau. Ecce quantum valeat consilium bonum in confessione. Simile aliquid legitur in vitas patrum. Dicam tibi adhuc exemplum quod mihi retulit Hermannus Decanus Bonnensis, asserens etiam se audisse a sacerdote cui contingit.

CAPUT XXXVII.

Duo ciues Colonenses, inter cætera sua peccata, confessi sunt duo peccatorum genera, quæ quidem in se valde sunt magna, licet propter vsum, mercatoribus maximè, parua videantur & quasi nulla, mendacium scilicet atque perjurium: Domine, inquiunt, penè nihil possumus emere, nihil vendere, nisi oporteat nos mentiri, iurare, & sæpe peierare. Quibus cùm diceret plebanus, peccata ista valde sunt grauia, & a Saluatorē prohibita, ipso dicente: Sit sermo vester, est, est; non, non. Responderunt: Non possumus hoc præceptum in negotiationibus nostris custodire. At sacerdos: Utimini consilio meo, & bene cedet vobis; nolite mentiri, nolite iurare, sicut mercatum vestrum dare vultis, sic ipsum laudate. Et promiserunt ei, quia tentare vellent uno anno, hoc enim petivit. Impediente eos satana, qui semper saluti humanae aduersatur, penè nihil anno illo viderem potuerunt; reuersique anno euoluto ad suum plebanum, dixerunt: Obedientia huius anni multum nobis fuit damnosa, homines à nobis defluunt, nec aliquid sine iuramento vendere possumus. Tunç dixit sacerdos: Nolite timere, quia tentatio est, fixum tenete in corde vestro, quod nulla aduersitas, nulla etiam paupertas, vos a tali bono proposito auertat, & Dominus vobis benedicet. Promiseruntq; ei, Domino inspirante, quia custodire vellent eius consilium, & diuinum præceptum per omnes dies vitæ suæ, etiamsi oportaret eos mendicare. Mira res, statim Dominus immis-

Matt. 5.